



Jens NapātôK
Inatsisartunut ilaasortaq, Naleraq

Ilinniagaqartut meerallit pillugit § 37 naapertorlugu apeqqummut nr. 194/2024-mut – akissut

Ulloq 09-09-2024
All. nr. 24510798

Asasara Jens NapātôK',

Postboks 1029
3900 Nuuk
Oqarasuaat: +299 34 50 00
Mail: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1:

Ilinniagaqartut meerallit meeqqamut tapisiassaat kia susassaqarfiani akisussaaffigineqarpa?

Akissut: Namminersorlutik Oqartussaniit ilinniagaqarnerisuteqaraanni ilaatinneqartarput meeqqanut tapit, Ilinniartitaanermut, Kultureqarnermut, Timersornermut Ilageeqarnermullu suliasaqaqarfirmut atasuullutik konto pingaarneq **40.02.06 “stipendiat meeqqanullu tapit”** ataanniillutik.

Ilinniagaqarnerisuteqarnermi meeqqanut tapiutinneqartut Isumaginninnermut, Ilaqutariinnut, Suliffeqarnermut Nunamullu Namminermit Naalakkersuisoqarfiup ataani inissisimasut, Aningaasanut inatsimmi **konto pingaarneq 31.03.34 “Meeqqanut akilersuutit meeravissartaarnerlu kiisalu meeqqanut inuusuttunullu illersuisoqarneq”**, nalinginnaasumik meeqqanut tapit akilersuutinut akigititaasut qaffakkiartorneri malippaat.

Apeqqut 2:

Ilinniagaqartut meerallit meeqqamut tapisiassaat qaammammut qanoq annertutigiva?

Akissut: Meeqqanut tapeq qaammammut 1.051 kr.-uvoq.

Apeqqut 3:

Ilinniagaqarnerisutit pillugit Namminersorlutik Oqartussat nalunaarutaat¹ §13 malillugu ilinniagaqartut meeqqanut 18-it inorlugit ukiulinnut pilersuisussaataappat meeqqanut tapisiaqartassaaq (meeqqamut tapit). Imm. 2 malillugu Meeraq Kalaallit Nunaanni najugaqarpat, akilersuutip nalinginnaasup assinganik tapiissuteqartoqassasoqoq allaqqavoq. Taannalu nalimassarneqartarpoq, ukioq 2024-imi ukiumut kr. 12.620, Meeqqamut ataatsimut qaammammut kr. 1.051,67 tapisiaapput.

a. Sooruna Ilinniagaqartunut meerallinnut, meeqqami tapisiassaannut nalinga, inatsit malillugu malinnaatinneqanngitsoq?

b. Naalakkersuisut ilinniagaqartut meerallit eqqortumik meeqqanut tapisiassaminnik pissarsisimangippata kingumoortumik aaqqiviginissaat qulakkeerniarpaat?

Akissut:

- a. Nalinginnaasumik akilersuutitut akigititat meeqqanut tapit malippaat. Taamaallilluni meeqqanut tapeq ulloq 1. januar 2023 qaammammut 1000-kr.-ninit 1023 kr.-ninit aaqqiiffigineqarpoq aamma meeqqanut akilersuutitut akigititat naapertorlugit taakkua 1.023 kr.-nit taaneqartut 1.051 kr.-ninit 2024-mi januarimi kingullermik aaqqiiffigineqarput tak. Aningaasanut inatsimmi konto 31.03.34
- b. Ilinniartut ilai akigititanik kukkusunik pisimanersut Naalakkersuisut ilisimasaqarfigingilaat.

Apeqquut 4:

Apeqquutit pineqartut pillugit apuussisoqarsimangikkaluarpat, Ilinniagaqartut meerallit meeqqamut tapisiassa ukiuni arlalinni nalimmassarneqarsimanginerat Naalakkersuisoqarfiit allaffissuanni kukkuneq qanoq paasineqarsimassagaluarpa? Suleriuseq qanoq innersoq uani apeqquummi ujartorneqarpoq.

Akissut:

Soorlu apeqquutitut siuliani akissutaasut takutikkaat qaffaasoqartillugu aalajangersimasumik periuseqartoqartarpoq.

Inussiarnersumik Inuulluaqqusillunga



Aqqaluaq B. Egede